



国家出版基金项目  
NATIONAL PUBLICATION FOUNDATION

# 民國史料叢刊

續編

0936

孫燕京 張研 主編

史地·地理

大中華吉林省地理誌



大象出版社

# 民國史料叢刊

續編  
0936

孫燕京 張研 主編  
史地·地理

大中華吉林省地理誌

林傳甲編纂

大中華吉林省地理誌



## 大中華吉林省地理志發行啓事

國慶宣言。早訂豫約。年內出版。今已踐言。因寒假便於學生考察鄉土。如三月不成。書則誤學生一年之光陰。乃正值校長公出。無先交豫約者。傳甲早知不出書。不足見信於學生。是以墊款先印。印成時。學生將放學歸家。往往簽名豫約。無力付款。江西志成於冬至日。所有交現款者。先儘印刷社印費償清。其餘學生有信用者。可由本校擔任開學時交款。由各校與印刷社先訂總數。餘書由傳甲另文呈請發行。傳甲此行在京師集書款。現大洋六百元。以二百元爲川資。四百元備旅費。到此出版時。需用定錢。又由黑龍江兌來現大洋一百七十元。均經商務印書館有帳。贈送各校之各省地志百冊。價二百元。郵費五元。是所費已近千元。印成千冊。如收回原本。又可周轉。再赴他省。每至一省。必承各教育家大力維持。是以千元已周轉十三省。進行不已也。



# 大中華吉林省地理志出版之宣言

閻侯林傳甲謹述

大中華民國十年十月十日。國慶日。中國地學會。大中華地理志總纂。閻侯林傳甲。受事五年。功甫及半。謹以負笈周游出版次序。報告於各省區同志。以明匹夫之責曰。

民國五年國慶日。中國地學會。推爲總纂。編大中華易縣地理志。爲本縣小學用。

民國六年國慶日。登泰山。謁孔林。游青島。編大中華山東地理志。爲本省小學用。

民國七年國慶日。春季編安徽志。夏季編印浙江志。秋季編印江蘇志。皆三月成。

民國八年國慶日。江西志成。生子。福建湖北志成。修墓。回京編印京師京兆兩志。

民國九年國慶日。山西志多實政。直隸河南兩志。蒙大總統閱定題簽。均發行。

自上年國慶後。本擬赴廣州全國教育聯合會。編印廣東志。因兩粵之爭未往。又擬編

輯湖南志。亦因兩湖之爭未往。遂專心東三省地理志。起草一年。仍從每省一冊之例。

奉天。往來十數次。調查亦較詳。志在必成。如江蘇志比皖浙後出。南歸所必經。

吉林。長春濱江沿路而外。尙未游歷。必親來問學。而後地理志可以徵信傳久也。

黑龍江。嚆昔服務十年。粗知地方情形。舊有圖志出版。庶政日新。地志當從新體。

或問總纂何以三月能成一省志乎。其調查何所據乎。何以比各省通志利便乎。

答之曰。三月成一書。每日不過兩葉。三月專心一省。不亦久乎。況十年當歷全國乎。調查之法。據通志、官書、私家著述、雜誌報章。更得官紳學界修正。雖僻邑亦不遺漏。各省通志局支薪水而不著一字。傳甲訪問人多。不支一錢。皆實地經過。見聞明確。或問地理志已出版十二編。印刷費不資。從何籌得。且舉家相從。進退綽有餘裕乎。答之曰。大中華地理志已在內務部依著作權注冊。猶農工商實業也。十二編係十二次出版。則成本輕而週轉靈。未出版以前。有豫約先期收欸。印刷以後。定期出版。略有餘利。又可運載書囊。再赴他省。浮家泛宅。以大中華爲家。濟南武昌。寄學稍久焉。或問大中華吉林省地理亦三月出版乎。其豫約如何辦理乎。

答之曰。傳甲愛吉林山水。非不欲久留。但不限定三月。則情氣生而難成。編輯師範中學甲種鄉土教科書。全恃各校豫約。曾携京師、京兆、直隸、河南、安徽志各二十冊。請教育廳頒發各校傳觀。仍照各省定價大洋貳元。各校豫約減半收價。實收大洋壹元。准於陽曆年內出版。三省地志。則擬於明年暑假前一例出版。再赴西北西南也。

# 大中華吉林省地理志序

林子奎騰與余爲同年交。余甲辰計偕。遇於京師。與談東北邊防形勢。如數掌上螺紋。心默許之。嗣余從政龍沙。因之言之當道。聘掌龍沙教育十餘年。客歲復於都門相遇。知從事於各省地理志之編輯。頃以大中華吉林省地理志告成。問序於余。余雖未窺全豹。但林子以數十年之蘊蓄。足跡幾遍天下。而復迴翔於東三省。十有餘年。其所得者必多。吉林地志原無適用教科。大清一統志會典弗詳。盛京通志吉林通志詳而弗要。寒士不易購。林子每至一省。必讀一省古今志乘。最要者爲新刊之官書。近年公報。宋鐵梅之東省鐵路成案要覽。齊文軒吉林財政報告書。實業廳吉林礦物紀略。各官書并采各縣鄉土志及調查報告。林子博觀約取。見某縣人必問某縣事。當有以補前人之闕。而爲後之治吉林地理津梁也。必矣。吉林爲余父母之邦。林子尤爲余素心之友。余不敢以不文辭。因識數語於簡端。兼以誌余與林子結交之始末云。

中華民國十年夏正辛酉仲冬。年小弟翟文選敬序。

# 大中華吉林省地理志序

爾雅云。倫勛邛。勛勤愉庸瘁勞也。又曰。勞來強事。謂翦簞勤也。昔吾聞應山林典史。以勤勞卒於官。子甫六齡。林母以勤勞紡織教之學。歷十二年。而後出山。於是吾友林傳甲之名。始騰播江漢兩湖間。丙午余游龍沙。是年秋。林子以廣西知縣。經黑龍江程將軍奏調來江。提調學務。定學田爲基產。撥廣信公股爲基金。創初等小學十處。上自搢紳。下至甕牖。遇有學童。林子必督令入校。唇焦舌敝。勞怨不辭。招第一班師範生五十人。躬任講授。編鄉土志爲課本。收回俄人俄文學校。建黑水中學。爲張季端學使所倚重。所有省立師範中學農工及女學師範中學職業。無不由林氏夫婦手創。其太夫人林下老人。創女子教養院。勤勞壽終。林子乃去龍江而南遊焉。余當張學使創黑龍江公報時。主任其事。兼領圖書館。昕夕見林子勤勞著述。乃一別六年。林子編印大中華地理志已十二編矣。長髯瘦削。狀若老叟。然精神到底不懈。三閱月而吉林志刊成矣。非林子勤勞有恒。吾恐悠悠忽忽。或至三年不成。林子所挾不過千金。而出版之書價十數倍。其堅忍卓絕。所成就者。蓋千秋之盛業。而豈僅一時學校之教科也哉。辛酉仲冬。黃安韓傑。

# 大中華吉林省地理志序

聶 恥

明習東省地理學者。就近代論。推吾鄉屠敬山先生居首。余昔嘗師事焉。比來吉林。屠君久已南歸。僅獲請益於曹彞卿先生。備承獎掖。因林君奎騰爲當代地學巨子。讀君塞上詩。致慨於黑龍江省會南遷。墨爾根爲俄約蹙地之徵。三復詠嘆。瞻言之遠。實契余心。時君方游龍沙。未有一書互通情懷。但聞君著作成。輒覓觀之。彌寄慨慕。嗣君離東。徧游揚子江流域諸省。余每從北京地學會同人。詢君蹤迹。今年重陽。余寓齋中。有客闖然入。甫通姓名。則大喜。結想十年。慰心此日。信乎文章有神。交有道。聲氣應求之感。通乎魂夢也。君乃携一冊示余。爲大中華吉林志之稿本。其體例一仿君前著直隸諸志。而於本省文化之起源。人種之系統。則微異於他志。言之綦詳。爲重其朔也。高等小學中學師範。講授鄉土地理。此爲最適用之教材。有裨此邦學子。寧復淺鮮。君之省志已成者。十三鄙人深願其賡此進行。絕業成時。年華尙早。心山祭酒。非君其孰堪之。

送奎騰總纂之吉林

鍊人

詩價近如何。雞林賈更多。香山雖已往。松水又重過。對日抒長策。臨風發浩歌。此行知興足。前路莫蹉跎。神賤宜何處。倉山一席開。詩豪今遠別。詞友應邀陪。嘯月吟風去。模山範水來。梅花時節近。相約送春回。

和鍊人送奎騰總纂之吉林原韻

北堂

此別意如何。無須揮淚多。幾經舊遊地。一路福星過。贈子無長策。嗟余作短歌。留連憑此日。詩酒莫蹉跎。廿五日鍊人餞別於此。詩酒莫蹉跎。亦詩世界余亦陪座。莫是感離別。愁懷鬱不開。是日鍊人華筵。君作主。末座我叨陪。杯酒成歡去。詩筒送客。孕東持詩。松花江水闊。共吟白魚回。奎騰去時約寄白魚。

送奎騰解元之吉林

玄龜

東出榆關萬里程。秋風塞上送君行。短衣匹馬戎裝健。旨酒芳樽鄉味清。閩嶠儒宗今宿學。雞林詩價舊知名。帆待向松江渡。看取冰魚夜火明。

# 大中華吉林省地理志序

閩侯林傳甲撰

傳甲四歲粗識字。先祖鹽源公自蜀就養。先嚴應山公養志維謹。先祖衰病醫云宜補。至藥局取錦匣。上鐫吉林人參。傳甲因新年吉慶識吉字。姓氏識林字。三字經開卷識人字。參字猶未識。先嚴示匣內物曰。是名參。象人形。產自吉林。傳甲侍先祖服參後。得錦匣盛玩物。因念念吉林不忘。吾家庭教育。重實物教授。六歲見藥肆招牌高麗野參。問於先嚴。知高麗吾國藩屬。吉林東鄰。所產略同。野參年久可貴。先祖出一統輿圖。口授沿邊形勢。鬚眉如戟。指東海濱失地。拍案厲聲。忠憤溢出。傳甲懍懍乎懼。不知所措。但見先祖淚下。亦隨之淚下也。嗚呼。先祖往矣。英靈在天。苟見今日。倭寇深入。由吉長而貫吉會。蹂躪延理。等於高麗。不知作如何感慨痛切也。傳甲既長。閱吉林通志。知吉林可墾闢無異內地。日俄戰後。吉林雙城翟熙人同年。勸我出塞。承程雪廬將軍奏調。傳甲夫婦自廣西萬里赴之。黑龍江初闢。惟吉林人材是賴。宋鐵梅都督。徐鼐霖省長。魁星堦廳長。王可畊道尹。並列於文案處。傳甲雖專心教育。未謀仕進。每同膺薦剡。民國初宋公薦任教育司科長一職。遂服務十年。先妣林下老人壽終。始解職南遊。在京

師承中國地理學會同人。推任大中華地理志總纂。周游各省。期以十年之內。編成各省區地理志出版。民國六年六月六日。成易縣志。爲各縣範本。七年七月七日。浙江志成。國慶日。江蘇志成。全國教育會聯合會。萃於上海。一致贊成。吉林省教育會王伯康會長。約我游吉。編吉林志。八年八月八日。京師志成。國慶日。京兆志成。全國教育會聯合會。萃於山西。研究鄉土尤重。出版速而發行多。因官私著述多可采。長官提倡學生好讀書。吉林第一師範學校吳獻之校長。又約我游吉。余應以吉林必到。但不敢定期也。因山西出版餘利多。直魯豫亦次第出版。雖處荒年。吾學不敢荒。竟勉力成之。九年九月九日。直隸志成。國慶日。河南志成。徐大總統閣定獎勵備至。卽專心東三省志一年。每省一冊。長安小息。臥病幾不支。幸秋後元氣大復。周斗卿廳長。委以視學一職。遂移家再出邊塞。十年十月十日。有大中華吉林省地理志出版之宣言。在京所編多據舊籍。來吉始得官書文卷。知在京所據教育部教育公報。皆前數年狀況。其餘更可推矣。編某省志必至某省。此傳甲經驗有得者。病軀雖弱。又藉吉林人參爲補品矣。不緩不急。日月爲易。自信所至無不成。是在到處求學。逢人善問而已。

# 大中華吉林省地理志凡例

- 一本編依大中華地理志京師京兆各省定例。每冊一百六十章。適合師範中學四年教授。注重實業。爲農工商學校必備。政治經濟。皆新調查。法政學校。尤宜參考。
- 一本編所引古圖書。以示有徵。刪繁提要。由博返約。通志過繁。不便舟車攜帶。此編寒士亦可購置。至於從政通人。必能深知采訪之不易。讀一書勝讀數十冊書。
- 一本編每章前六行。有提要一段。可備高等小學肄習。字數少便小學用。
- 一本編冠以四道三十九縣歌。可備國民學校家庭教育。兒童記憶縣名。通俗適用。
- 一本編地方志。無論地方繁簡。一律每縣一章。無他書專重省城口岸之弊。
- 一偏僻地方。如虎林饒河勃利綏遠同江。此次皆有新調查。並向游歷人訪開。
- 一各縣父老。教職員學生。對於本縣多調查修正。亦署姓名。
- 一在京所據教育農商公報。所填教育實業。至吉省則据文卷改正最新之數。
- 一編書時現大洋換八十吊。校印時已至一百吊。足見地理志當改年修訂。
- 一編者竭盡心力。如有修正之處。請俟再版。

大中華吉林省地理志

凡例

大中華京師地理志

京師警察廳學生五千人調查

大中華京兆地理志

京兆尹王通飭並請獎匾額

大中華直隸省地理志

嚴範孫題發大總統購發本籍

大中華河南省地理志

大總統題發河南教育廳發行

大中華山東省地理志

孔教會張一塵尹昌衡同題簽

大中華山西省地理志

一月銷二千冊一校購三百冊

大中華江蘇省地理志

齊省長評定不繁簡人手一篇

大中華安徽省地理志

在省教育會編輯教育廳發行

大中華江西省地理志

咸省長飭各道分銷

大中華浙江省地理志

西湖文瀾閣圖書館編

大中華福建省地理志

省議會全體修正

大中華湖北省地理志

何省長有序教育廳分發湖南  
已擬稿

大中華吉林省地理志

新編黑龍江續出版

# 徐大總統鑒閱

大中華京師地理志

大中華京兆地理志

大中華直隸省地理志

大中華河南省地理志

大中華山東省地理志

大中華山西省地理志

大中華江蘇省地理志

大中華安徽省地理志

大中華江西省地理志

大中華浙江省地理志

大中華福建省地理志

大中華湖北省地理志

大中華吉林省地理志

大中華黑龍江續出版

新編黑龍江續出版

新編黑龍江續出版

新編黑龍江續出版

新編黑龍江續出版

中國地理學會二十年調查

京師琉璃廠武學書館總發行  
每省一冊定價大洋貳元

著作權所有

八

# 大中華吉林省地理志目錄

閔侯 林傳甲 奎騰 初纂

## 第一篇 總論

第一章 吉林之名義

第二章 吉林之沿革

## 第二篇 天象

第三章 經度

第四章 緯度

第五章 曆象

第六章 節令

## 第三篇 疆界

第七章 東界

第八章 西界